



Innkalling til Utval for levekår

Møtedato: 08.09.2015
Møtestad: Formannskapssalen
Møtetid: 16:00

Medlemmene vert med dette kalla inn til møtet. Den som har lovleg forfall, eller er ugild i nokon av sakene, må melde frå så snart råd er, tlf. 56171000, slik at varamedlem vert innkalla.

Varamedlemmer møter berre etter nærare avtale.

Dokument som ikkje er tilsende, kan du få kopi av på dokumentsenteret. Dokument som ikkje er offentlege, vil bli utlevert i møtet. Dersom medlemmene på førehand ynskjer å gjera seg kjend med innhaldet i desse dokumenta, er dei tilgjengeleg på dokumentsenteret.

Sakliste

Saknr	Tittel
37/2015	Godkjenning av innkalling og sakliste
38/2015	Godkjenning av møtebok
39/2015	Referatsaker
40/2015	Framtidig bruk av Holsnøy Meieri
41/2015	Friluftslivets år 2015 - kåring av Hordaland sitt mest attraktive friluftsområde
42/2015	Serviceerklæring for Meland kulturskule
43/2015	Tilstandsrapport skuleåret 2014-15
44/2015	Godkjenning av revidert tenesteavtale 8 - (svangerskap- og fødselsomsorg) med Helse Bergen
45/2015	Orientering om status for mottak/busetting av flyktningar for 2015
46/2015	Foreldreundersøking i barnehagane
47/2015	Orientering om status på barnehageplanen
48/2015	Presentasjon av Blåklokka barnehage om det prisvinnande ESD prosjektet for Omep.
49/2015	Aktuelle saker

3. mars 2016

Kåre Skibenes
møteleiar

Rita C. Kvalheim Sætre
sekretær

Sakspapir

Saksbehandlar	Arkiv	ArkivsakID
Rita C. Kvalheim Sætre		15/2198

Saksnr	Utvalg	Type	Dato
37/2015	Utval for levekår	PS	08.09.2015

Godkjenning av innkalling og sakliste

Saksopplysningar:

Framlegg til vedtak:

Innkalling og sakliste vert godkjent.

Sakspapir

Saksbehandlar	Arkiv	ArkivsakID
Rita C. Kvalheim Sætre		15/2198

Saksnr	Utvalg	Type	Dato
38/2015	Utval for levekår	PS	08.09.2015

Godkjenning av møtebok

Saksopplysningar:

Framlegg til vedtak:

Møtebok vert godkjent.

Sakspapir

Saksbehandlar	Arkiv	ArkivsakID
Rita C. Kvalheim Sætre		15/2198

Saksnr	Utvalg	Type	Dato
39/2015	Utval for levekår	PS	08.09.2015

Referatsaker

Underliggende saker:

Saksnummer	Tittel
39/2015.1	Høring - NOU 2015 8 Fremtidens skole - Fornyelse av fag og kompetanser
39/2015.2	Høring - NOU 2015 Å høre til. Virkemidler for et trygt psykososialt skolemiljø
39/2015.3	Oppmoding om busetting av flyktningar

Saksopplysningar:

Framlegg til vedtak:

Meldingane vert tekne til orientering.

Sakspapir

Saksbehandlar	Arkiv	ArkivsakID
Bente Bing Kleiva		15/2324

Saksnr	Utvalg	Type	Dato
40/2015	Utval for levekår	PS	08.09.2015

Framtidig bruk av Holsnøy Meieri

Saksopplysningar:

Bakgrunn

Holsnøy Meieri er eit viktig minne om Frekhaug si nære fortid og bør takast vare på som eit kulturbygg i kommunen. Det finnest pr i dag ikkje organisasjonsnøytrale kulturarenaer i kommunen og med sterk tilflytting til Frekhaug-området er det viktig å etablere møteplassar for ulike aldersgrupper i sentrale strok.

Holsnøy Meieri stod ferdig i 1953, som eit moderne og effektivt fellesmeieri for søre Holsnøy med kort sjøveg til Bergen. Det blei og bygd to stemmer som gav tilgang på kaldt vatn for å halde mjølka kald. Rett sør for hovudbygningen står meierskehuset, og anlegget står fram som det store framsteget det ein gong var.

Seinare har anlegget husa butikk, ungdomsklubb og verkstad, men framleis står det sterkt i eit kulturhistorisk landskapsbilde langs Havnevegen – Frekhaug kai med tilhøyrande miljø – ungdomsskulen – Nordgardsløa – Havnevegen 49 – Sjurshuset.

Drifta av ungdomsklubben i Meieriet blei avvikla i 2008. Klubben si verksemd skulle flyttast til Meland Aktiv, noko som etter kvart viste seg ikkje var mogeleg å få til. Meland har sidan vore utan kommunal ungdomsklubb.

Vurdering

Det er i dag ein tilnærma regulær scene i kommunen, på Nordhordland Folkehøgskule. Elles er det fleire lokale som blir brukt til kulturarrangement, som til dømes Nordgardsløa, Meland bibliotek, Galleri Rustica og Sjøslaget. Kommunen har i dag få høve til å vere ein pådrivar for eit godt kultur- og samfunnsliv sidan vi ikkje har ein stad til å drive kulturverksemd som òg kan vere ein møteplass for, av og med innbyggjarane. Utan ein slik stad er òg høva til å få in ekstern finansiering svært avgrensa. Avvikling av kulturarrangement inneber uforholdsmessig store utgifter til leige av scene, lyd og lys i tillegg til at det tek opp mykje tid og personalressursar. Dette gjer at kommunen sjeldan har høve til å avvikle arrangement, heller ikkje for unge. Desse ressursane går med til arrangementsmessige detaljar og ikkje til å bidra til at folk, unge som vaksne, kan skape, oppleve og vidareutvikle kulturlivet.

Kulturlivet i Meland er godt og sterkt, men til ein viss grad lite synleg og samla. Det er eit stort behov for ein samlande møteplass for heile kommunen. Eit samfunn utan ein felles plass der folk kan møtast manglar litt av limet som held det saman.

Ungdomsklubb. Det er eit stort behov for ein ålmenn møteplass for dei mange unge i kommunen. Ungdomsrådet har sjølv i møte 20.1.2015 peika på at det må kome på plass eit organisasjonsnøytralt tilbod som kan verke samlande for heile ungdommen i kommunen. Ved å ha ein organisasjonsnøytral plass vil ungdom alltid «gå på Meieriet», sjølv om det skulle vere andre enn kommunen som arrangerer det aktuelle tilbodet den dagen. Eit bygg med høg deltaking av ungdom vil vere eit godt kulturbygg. Dei har behov for eit kulturtilbod og ein møteplass der dei kan ha innverknad. Eit godt ope og inkluderande ålment kulturtilbod vil òg gjere mykje for å fange opp dei som kan vere i randsonar av uønska miljø.

Når det gjeld meieriet som bygg er det viktig å bevare dette som eit tidsmerke og som ein del av identitetsbygginga for noverande og kommande generasjonar. Meieriet fortel om tida som var og er eit unikt bygg i Meland kommune.

Folkehelse – kan verke førebyggjande

Miljø – viktig å bevare som ein del av eit unikt miljø for kommunen og lokalområdet. Ved utbetring av bygningsmasse vil og miljøforureinande materiale verta fjerna.

Økonomi – ikkje vurdert i saka

Konklusjon

Meland kommune treng eit kulturbygg som arena og møteplass for noverande og framtidige generasjonar. Meieriet kan vere eit viktig bidrag til dette og saka bør utgreiast vidare.

Framlegg til vedtak:

Utval for levekår gjev tenesteområde kultur i oppdrag å utgreie vidare framtidig bruk av Holsnøy meieri. |

Sakspapir

Saksbehandlar	Arkiv	ArkivsakID
Bente Bing Kleiva	FA - C20	15/2336

Saksnr	Utvalg	Type	Dato
41/2015	Utval for levekår	PS	08.09.2015

Friluftslivets år 2015 - kåring av Hordaland sitt mest attraktive friluftsområde

Vedlegg:

Friluftslivets år 2015 - kåring av Hordaland sitt mest attraktive friluftsområde - ny frist!

Saksopplysningar:

Bakgrunn

Fylkeskommunen har, i høve Friluftslivets år 2015, invitert til ei kåring av fylket sitt mest attraktive friluftsområde. Kvar kommune kan nominere eitt område kvar, ein fagjury plukkar ut ei liste på 3-5 som vert presentert for Kultur- og ressursutvalet som tek den endelege avgjerla og kårar ein vinnar. Fagjuryen ønskjer å få fram nominasjonar av friluftsområde i alle kommunar og såleis er fristen for å sende inn nominasjonar til kåringa av Hordaland sitt mest attraktive friluftsområde **innan 15. oktober**. Vinnaren vert vedteken av KURE, og prisen vert delt ut i fylkestinget i desember.

Retningslinene er forma i tråd med statleg friluftspolitik, Regionalt kulturplan (2015-2025) og Miljødirektoratet sin rettleiar for verdsetjing av friluftsområder;

Lokalisering — i eller utanfor tettstad/by, nærleik til skule, idrettsparkar mm.

- Brukargrupper frå nærmiljøet og i regionen - kor mange potensielle brukar er det for området som bur i nærleiken og kor attraktivt er det for brukarar frå andre kommunar.
- Grad av tilrettelegging for alle befolkningsgrupper (universelt utforming) — t.d. skilting, parkering, turløyper, toalett, eldstad, baderampe, kai, fiskepir.
- Tilkomst til friluftsområde — korleis er det tilrettelagt for at brukarar kjem seg til området t.d. ved gange, sykkel, kollektivtransport, bil, båt, kajakk.
- Høve for aktivitetar i ulike delar av året — på land og i vatn — t.d. utstyrsbank, nærmiljøanlegg som sandvolley, treningsapparat, hinderløyper, gapahuk, tilrettelagt for kajakk/kano.
- Natur og kulturhistoriske opplevingskvalitetar — kva kan ein oppleve av tilleggsverdiar i friluftsområdet og korleis dette vert formidla.

I nominasjonen skal det seiast noko om kva eventuelle prispengar på kr 30.000 skal nyttast for å gjere område endå meir attraktivt. Søknaden skal innehalde bilete, skildring og ei grunngjeving. Skjema er tilgjengeleg på www.hordaland.no

Vurdering

Meland kommune har fleire friluftsområde som kan vere med i ei slik kåring. Tenesteområde kultur har gjennom året hatt fleire samarbeid med ulike lag og organisasjonar om mellom anna utbetring av stiar og tilrettelegging av område. Stiprosjekta Flatøy – Håøytoppen og Skintveitmarka er snart avslutta og er allereie teken i bruk. Eldsfjellet er med si unike formasjon og eit viktig friområde og vi har Haltejohansvika/Elvavika/Mjåtveitelva som eit nærområde som mange har dagleg glede av.

Når ein skal velje eit område som kan representere Meland kommune er det viktig å ta punkta som står i innbydinga med i vurderinga. Ikkje alle områda har alle kvalitetane, men det er det unike ved staden ein veljer som vil vere teljande.

Folkehelse – viktig å fremje turområda i kommunen

Miljø – har inga negative konsekvensar

Økonomi – ikkje vurdert i saka

Konklusjon

Meland kommune har fleire område som kunne vore med i ei kåring. Utvalet diskuterer kva for eitt av dei fire framlegga som vil vere det beste.

Framlegg til vedtak:

Utval for levekår har diskutert saka og kome fram til at dei kårer som Meland kommune sin kandidat til Hordaland sitt mest attraktive friluftsområde.

Sakspapir

Saksbehandlar	Arkiv	ArkivsakID
Bente Bing Kleiva		15/2314

Saksnr	Utvalg	Type	Dato
42/2015	Utval for levekår	PS	08.09.2015

Serviceerklæring for Meland kulturskule

Saksopplysningar:

Bakgrunn

Dei grundige og detaljerte vedtektene til Meland kulturskule er eit godt og viktig verktøy for kulturskuledrift. Dei tilsette ved kulturskulen ser at det er behov for ei kort og konsis serviceerklæring som fortel om innhald og gjensidige forventningar som supplement til desse og har utforma fire konkrete punkt:

- Meland kulturskule skal gje eit opplæringstilbod prega av kvalitet og variasjon tilpassa den einskilde eleven i dans, musikk, teater og visuell kunst.
- Meland kulturskule sine lærarar skal ha god kommunikasjon med heimane – god informasjonsflyt skal sikre alle tilpassa, planlagt og føreseieleg opplæring og gode opplevingar.
- Meland kulturskule er ein læringsarena der elevane skal komme godt førebudd til undervisninga, uansett disiplin – regelmessig og riktig øving over tid gjev alltid resultat.
- Alle elevar skal få tilbod om å ta del i minst to konsertar/framsyningar/utstillingar kvart skuleår – dette er ein integrert og viktig del av kulturskuleundervisninga.

Vurdering

I samband med utarbeiding av ramme- og læreplanar for kulturskulen har dei tilsette ved Meland kulturskule også sett på korleis innhald og forventningar vert formidla. Dei seier i si grunngjeving for tiltaket:

«Diffuse omgrep som «oppleving», «leik» og «eigen skaparkraft» har vore rådande i kulturskuleomtale, og desse er ikkje mindre viktig enn før. Men i tråd med den nye rammeplanen for kulturskulane utarbeidd av Norsk Kulturskoleråd ønskjer me og å nytte meir konkrete ord og vendingar for å skildre kulturskulen og kva kulturskulen driv med».

Punkta som er utarbeida konkretiserer på ein tydeleg måte kva kulturskulen skal levere og kva som

vert forventa av elever og foreldre og lærarar.

Ei slik tydeleggjing vil vonaleg betre kommunikasjonen mellom heim og skule.

Folkehelse – ikkje vurdert i denne saka

Miljø – ikkje vurdert i denne saka

Økonomi – ihar ingen økonomiske konsekvensar

Konklusjon

Serviceerklæringa vil vere ein god måte å formidle kva kulturskulen tilbyr og kva forvenningar elever og føresette kan ha til undervisninga. På same måte som skulen signaliserer kva som vert forventa av eleven og dei føresette.

Framlegg til vedtak:

Serviceerklæringa vert teken til etterretning. Meland kulturskule syter føre å gjere denne kjend for elever og føresette.

Sakspapir

Saksbehandlar	Arkiv	ArkivsakID
Reidun Elin Johannessen	FA - A20	15/2013

Saksnr	Utvalg	Type	Dato
43/2015	Utval for levekår	PS	08.09.2015
	Kommunestyret	PS	

Tilstandsrapport skuleåret 2014-15

Vedlegg:

Handlingsplan skule 2015-19

Saksopplysningar:

Bakgrunn

Som ein del av oppfølgingsansvaret skal det utarbeidast ein årleg rapport om tilstanden i grunnskoleopplæringa knytt til læringsresultat, fråfall og læringsmiljø. Den årlege rapporten skal drøftast av skuleeigar dvs. kommunestyret, fylkestinget og den øvste leiinga ved dei private grunnskolane» (jf. opplæringslova § 13-10).

Vurdering

Tilstandsrapporten er gjort på grunnlag av statistiske fakta om skulane sine ressursar og resultata frå prøver, kartleggingar og undersøkingar. Tilstandsrapporten inneheldt vurdering av desse og forslag til tiltak for forbetring.

Konklusjon

Resultat i tilstandsrapporten for skuleåret 2014-15 leggjast fram for drøfting Utval for levekår og Kommunestyret jf. Opplæringslova § 13-10.

Framlegg til vedtak:

Tilstandsrapport for skuleåret 2014-15 leggjast fram for drøfting i Utval for levekår og i Kommunestyret jf. Opplæringslova § 13-10.

Sakspapir

Saksbehandlar	Arkiv	ArkivsakID
Tord Moltumyr	FA - G67, TI - &10	15/1729

Saksnr	Utvalg	Type	Dato
44/2015	Utval for levekår	PS	08.09.2015
	Kommunestyret	PS	

Godkjenning av revidert tenesteavtale 8 - (svangerskap- og fødselsomsorg) med Helse Bergen

Vedlegg:

Tenesteavtale 8 - Samhandling innan svangerskaps- fødsels- og barselomsorga rutiner tenesteavtale 8

Saksutgreiing SUA - TA 8 med rutiner - 130515

Tenesteavtale 8 til behandling i kommunestyra og styra i føretaket.

Saksopplysningar:

Bakgrunn

Vurdering

Folkehelse: Positiv verknad.

Miljø: Ikkje relevant.

Økonomi: Krev at kommunen har stillingsressurs med jordmor og helsesøster til å følgje opp med svangerskapskontrollar og heimebesøk etter fødsel. Dette er p.t. inne i driftsbudsjettet for 2015, og avtalen forplikter såleis at desse ressursane må vidareførast i framtidig budsjett.

Konklusjon

Administrasjonen, inkludert kommuneoverlege, tilrår at Meland kommune slutter seg til revidert tenesteavtale 8 slik han ligg føre.

Framlegg til vedtak:

Kommunestyret godkjenner revidert tenesteavtale 8 slik denne ligg føre.

Sakspapir

Saksbehandlar	Arkiv	ArkivsakID
Helge Kvam	FA - F30	15/2280

Saksnr	Utvalg	Type	Dato
45/2015	Utval for levekår	PS	08.09.2015

Orientering om status for mottak/busetting av flyktningar for 2015

Saksopplysningar:

Bakgrunn

Viser til kommunestyret den 17.06.15 sak 49/2015. Gjeldande vedtak gjev at Meland kommune skal busette 23 flyktningar per år i perioden 2015-2017.

Per august har kommunen busatt 5 personar. Det er plan for busetting av 13 personar i september. Dei resterande 5 personane skal busettast hausten 2015, men det er per tid uavklart busittuasjon for desse.

NAV v/flyktningetenesta vil gje ei orientering om status og framdriftsplan for 2015 i møte.

Vurdering

Folkehelse

Miljø

Økonomi

Konklusjon

Framlegg til vedtak:

Utval for levekår tek informasjon om framdriftsplan busetting flyktningar for 2015 til orientering.

Sakspapir

Saksbehandlar	Arkiv	ArkivsakID
Mette Marei Træland	TI - &32	15/1494

Saksnr	Utvalg	Type	Dato
46/2015	Utval for levekår	PS	08.09.2015

Foreldreundersøking i barnehagane

Vedlegg:

Resultat frå brukarundersøking

Resultat frå brukarundersøking

Saksopplysningar:

Bakgrunn

I §8. i Barnehageloven står det om kommunen sitt ansvar for barnehagesektoren. «Kommunen er lokal barnehagemyndighet. Kommunen skal gi veiledning og påse at barnehagene drives i samsvar med gjeldende regelverk.» (§8, første ledd.) I samarbeid med dei private barnehagane og den kommunale barnehagen vart ein samde om ei felles foreldreundersøking i alle barnehagane, administrert av kommunen. Målet var å gje foreldra ei mogelegheit til å sei si meining om barnehagen dei brukar til sitt barn, i ein undersøking i regi av kommunen. På den måten ville ein få informasjon om sektoren og korleis brukarane var nøgde med tilbodet. Alle barnehagane kunne ut frå undersøkinga få ta del i felles prosjekt der resultatane kunne takast med inn i den einskilde barnehage og verte arbeidd vidare med der.

Kommunen og barnehagane bestemte at dei ville bruke «Bedre kommune» si standarundersøking.

<http://www.bedrekommune.no/bk/hjem/>

Dette er fyste gongen Meland kommune har hatt ein felles elektronisk foreldreundersøking for barnehagar. Alle barnehagane har eigne brukarundersøkingar, men det har ikkje vore felles undersøking tidlegare. Erfaringane frå den praktiske organiseringa var ei viktig del av prosjektet.

Undersøkinga er nettbasert elektronisk og anonymisert. Den vert brukt av barnehagar i heile landet, og gjev Meland høve til å sjå sitt resultat saman med andre.

I juni gjekk 565 barn i barnehagane i Meland kommune. Alle foreldre fekk tilsendt e-post om

undersøkinga, med link til den elektroniske undersøkinga. Dei som ikkje hadde mail fekk tilsendt brev i posten. Svarprosenten vart på 53% . I denne er det ei feilmargin i høve sysken og e-postadressar. Dette gjer at den faktiske svarprosenten er høgare. I etterkant har det vore møte med styrarane i barnehagane om resultat og fokus på arbeid vidare. Det er 8 spørsmålskategoriar i undersøkinga. Kvar av desse har fleire spørsmål. Resultatet er lagt ved sakspapira. Meland kommune kjem likt ut med gjennomsnittet i Norge på 5.2 i høve til heilheitsvurderinga. På dei andre kategoriane er det små variablar i høve til resten av landet.

Vurdering

Erfaringar med undersøkinga i høve til prosess og resultat er positive. Foreldre har gjeve melding om at dei tykkjer det er bra at kommunen har felles undersøking for alle barnehagane. Sjølv om svarprosenten på 53% er noko låg vil likevel informasjonen gje verdifull kunnskap for arbeidet vidare. Barnehagane er positive til undersøkinga. For kommunen som barnehagemyndede vil ei undersøking styrke kunnskapen om kva foreldra meiner om barnehagen dei brukar til sine born. Resultata vil verte nytta til kvalitetsarbeid både felles for barnehagesektoren og i den einskilde barnehage. Den kan gje grunnlag for veiledning og risikovurdering i høve til tilsyn. Undersøkinga er nasjonal og kommunen kan sjå eigne resultat opp mot gjennomsnittet i Norge. Dette gjev eit utvida perspektiv på vurderinga og faktisk kunnskap om barnehagesektoren

Folkehelse x

Miljø x

Økonomi x

Konklusjon

Ei felles foreldreundersøking er eit godt reiskap for systematisk arbeid med kvalitet i høve til kva føresette meiner om barnehagetilbodet dei nyttar til sine barn. Meland kommune planlegg å innføre foreldreundersøking for barnehagane kvart anna år.

Framlegg til vedtak:

Utval for levekår tek sak om foreldreundersøking i barnehagane til vitande.

Sakspapir

Saksbehandlar	Arkiv	ArkivsakID
Mette Marei Træland	FA - A10, TI - &30	14/4081

Saksnr	Utvalg	Type	Dato
47/2015	Utval for levekår	PS	08.09.2015

Orientering om status på barnehageplanen

Saksopplysningar:

Bakgrunn

Administrasjonen har ikkje fått ferdig endeleg utkast til barnehageplan, slik at den kan verte lagt fram for ULK for politisk handsaming.

Vurdering

Det vil verte gjeve orientering om status og framdift på planarbeidet i møtet.

Folkehelse

Miljø

Økonomi

Konklusjon

Framlegg til vedtak:

Utval for levekår tek informasjon om status på arbeid med Barnehageplan 2015 - 2018 til vitande.

Sakspapir

Saksbehandlar	Arkiv	ArkivsakID
Mette Marei Træland	FA - A10	14/501

Saksnr	Utvalg	Type	Dato
48/2015	Utval for levekår	PS	08.09.2015

Presentasjon av Blåklokka barnehage om det prisvinnande ESD prosjektet for Omep.

Vedlegg:

Blåklokka barnehage har vunnet OMEP konkurranse om bærekraftig utvikling - presentasjon i Washington DC

Saksopplysningar:

Bakgrunn

Omep er Verdensorganisasjonen for små barns oppvekst og danning. Omep er ei internasjonal, uavhengig organisasjon(NGO) som har rådgjevande status hos UNESCO, og UNICEF og er representert ved Europarådet. Organisasjonen har 70 medlemsland.

Blåklokka barnehage vant i vår pris for ESD prosjekt. Dette var ei konkurranse som OMEP lyste ut. ESD –Education for Sustainable Development, er eit kartleggingsverktøy der barnehagar kan arbeide med bærekraftig utvikling i vid betydning. Blåklokka barnehage fekk som ein del av prisen dra til World Omep konferansen i Washington 27 juli-2 august for å presentere prosjektet sitt «Stjerneikkert».

Norsk Omep si nettside: <http://omep.no/>

Blåklokka Barnehage si nettside: <http://blaklokka.barnehage.no/>

Vurdering

Erfaringane frå prosjektet og presentasjonen i Washington vert presentert for Utval for levekår. Bærekraftig utvikling er sentralt i samfunnsdelen i Meland kommune si kommuneplan, og i kvalitetsdelen i barnehageplana som er under arbeid. Difor er det viktig å dela kunnskapen om dette arbeidet.

Folkehelse x

Miljø x

Økonomi x

Konklusjon

Arbeidet med å kartleggje korleis barnehagen jobbar med bærekraftig utvikling i barnehagen vil halde fram. Blåklokka barnehage sitt arbeid representerar eit viktig kvalitetsarbeid for

barnehagesektoren.

Framlegg til vedtak:

Utval for levekår tek orienteringa til vitande.

Sakspapir

Saksbehandlar	Arkiv	ArkivsakID
Rita C. Kvalheim Sætre		15/2198

Saksnr	Utvalg	Type	Dato
49/2015	Utval for levekår	PS	08.09.2015

Aktuelle saker